

Čaša mlijeka

**"Primjer onih koji dijele svoje imetke na Putu Allahovu
je kao primjer zrna iz kojeg iznikne sedam klasova,
i u svakom klasu stotinu zrna!
A Allah onome kome On hoće dodaje i više!
Allah sve obuhvata i On zna sve."**

(Kur'an, sura *Krava*, ajet 261.)

* * *

Jednom jedan mladić prodavaše robu, od vratâ do vratâ, budući je to bio jedini način da sakupi novac za svoju školarinu. Prodavajući tako, jednoga dana ogladni a još ništa ne bijaše zaradio. Odluči na slijedećim vratima zatražiti nešto hrane. Pokucao je, ali se predomisli. Vrata otvori jedna lijepa, mlada žena i upita ga šta želi.

"Čašu vode, ako može." Donese mu čašu svježega mlijeka. Kada ga popi, upita:

"Koliko vam dugujem?"

"Ništa", odgovori djevojka, "roditelji nas uče da se dobrota nikada ne naplaćuje."

"E tada", reče, "zahvaljujem ti od srca."

Ovo imашe snažan utjecaj na mladića jer mu već svega bješe dosta i htjede odustati. Ovaj događaj mu povрати snagu vjerovanja u Svemoćnoga, Boga.

Nakon nekoliko godina, djevojka se razbolje a doktori ne znadoše šta da rade. Rekoše joj da su nemoćni te da bi trebala otići u grad, u gradsku bolnicu, i tamo se pokušati liječiti. Tako i bi. Jedan od gradskih doktora, pozvanih na konsultacije, dogovor, oko njenoga slučaja, bio je i mladić koji prije nekoliko godina prodavaše robu. Čim je čuo naziv sela odakle djevojka dolazi, čudno svijetlo zasja u njegovim očima. Kada je ušao u njenu bolesničku sobu, obučen kao doktor, odmah je prepoznao, te se vratio dogovorima oko njenoga slučaja i izrazio želju da baš on taj slučaj vodi.

Nakon nekoliko mjeseci borbe, mladić, sada poznati doktor, s Božijom pomoći, savladio je njenu bolest. Kada ju je trebalo otpustiti iz bolnice, zatražio je da mu se dostavi račun za liječenje. Popunio je tražene podatke, potpisao ga i poslao u njenu sobu.

Kada joj je račun donesen, premda prezadovoljna izlječenjem, plašila se otvoriti ga jer, budući bijaše slaboga imovinskog stanja, znala je da će joj trebati kompletan preostali život samo da plati troškove liječenja. Kada ga je otvorila, osta šokirana. Na mjestu previđenom za potvrdu plaćanja pisalo je:

"U potpunosti plaćeno čašom mlijeka!"

Sva u suzama, srcem uputi dovu (molbu) uzvišenome Bogu:

"Hvala Ti Svemoguću, od svih milosnika Najmilostiviji, što širiš dobrotu ljudskim srcima i umovima!"

* * *

Muhammed, alejhisselam, rekao je:

"Ko podijeli sadaku (pomaže druge), makar ona bila jedna hurma (datula), Allah će pogledati da li je ona stečena halal (dozvoljenom) zaradom; ako jeste, tada će je Allah prihvatiti i uvećati njenu vrijednost tako da može postati velika poput planine."

(hadis, govor Muhammeda, alejhisselam, prenosi Ebu Hurejre, a bilježe ga Buharija i Muslim)

* * *

Muhammed, alejhisselam, rekao je:

"Ako nemaš ništa dati kao sadaku (pomoć drugima), onda barem reci nešto lijepo ljudima; a ako ni to ne možeš, onda barem ne uvrijedi i ne nanesi zlo drugome, to će biti smatrano sadakom."